

北京圖書館 編

北京圖書館藏珍本
年譜叢刊



第 62 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 62 冊

第六十二冊目錄

金正希先生年譜	一
金正希先生年譜	六三
金正希先生年譜	一二五
貝子銜按班章京牛錄額鎮拜音岱年譜	一九五
莊介吳公葦菴先生年譜	二〇五
明大司馬盧公年譜	二七九
蘿石先生年譜	三四三
堵忠肅公年譜	三六一
堵文襄公年譜	四八七
堵文忠公年譜	六〇七

金正希先生年譜

陳垣同志遺書

明神宗萬曆二十六年戊戌十月二十八日先生生
先是吳太夫人夢龍下空繞室有光而生先生焉
二十七年己亥先生二歲

二十八年庚子先生三歲

二十九年辛丑先生四歲是年入小學讀至鄉黨章

若解其意者時塾師朱姓卽先生集中所稱朱震

宇先生者

烈按先生文集有壽序
震宇先生九十壽序

略爲繹說先生

遂問孔子何如人曰聖人曰今在何處吾往拜之

曰孔子山東人今死已二千餘年矣曰今日仍有
似孔子者乎曰無矣先生卽哭不止比歸家夜不
能食父愛山公怪問其故先生曰吾哭孔子死矣
今日無聖人耳愛山公曰汝何不學孔子次日復
問其師曰人作得聖人否曰可曰孔子作聖人行
何道理曰賢者識其大者不賢者識其小者孔子
集其大成故作聖人曰今有賢人否曰賢人何時
無之先生乃喜曰我此生有聖人分矣

三十年壬寅先生五歲

三十一年癸卯先生六歲

三十二年甲辰先生七歲是歲除夜愛山公命作除夕詩先生卽口占曰一往一來無窮極我自隨理不隨欲男兒生在宇宙間天地日月同不朽公奇之

三十三年乙巳先生八歲愛山公在萬歲山

烈按大清一

統志萬安山在休甯縣東七里舊名萬歲山

臨池觀魚先生牽衣至再

公問其故先生曰大人之身祖父之身也池深不可立此人咸異之

三十四年丙午先生九歲

三十五年丁未先生十歲

三十六年戊申先生十一歲應童子試郡守面閱其

休寧

卷微笑不語先生遂出愛山公以先生年幼未必
獲錄攜往楚之嘉魚就學比案發有名督學試日
郡守不見先生令大索郡城先是愛山公心識先
生非凡兒太母因其宿慧尤篤愛異諸子因相與
謀曰吾徽雖大郡然其間人往往爲習俗移是兒
才別當慮以爲大樽遊於江湖豈可老之牛迹

三十七年己酉先生十二歲在嘉魚從龍雲中先生

學先是吳太夫人弟啓字仲烈客嘉魚久謂是中

名宿龍雲中公韜實執牛耳

烈按嘉魚縣志龍文鼎字筆韓廩生龍韜

之子韜故邑名士

非是公無能課甥者厚禮幣延入帳惟

所需悉令如意蓋白髮未燥至弱冠未嘗更師龍

公感主人意又樂得教育無寒暑宵晝耳提之比

行文嘗命一題至六七作猶不許易先生曰才竭

矣龍公先簡坊刻中佳者藏以待遽出示曰汝道

無此不勝乎先生憮然退而卒業如是反覆至三

十作始易題

三十八年庚戌先生十三歲在嘉魚龍雲中先生言

聖人之學失傳久矣或反存於方外之士先生曰

方外亦有賢人乎龍曰有吾鄉張湘渚先生烈按

渚疑即覺來大師熊魚山所撰先生傳稱為理學真儒深入禪觀者考一統志覺來本嘉魚諸生

棄功名習止觀脩淨土心騰洞然後坐進大道之人也先生欣然欲往

謁之未果嘉魚有牙僧負愛山公貲不得已訟之

邑牙賄同姓青衿出抵公搗先生赴邑云某恃青

衿代牙騙商人貲青衿不顧名節欺異方人以其

系經休寧
客嘉魚

文足爲上人重耳商人子年雖少亦能作文願與對考牙人藐法仍求審理時邑令爲雲南葛中選

號澹淵字見堯

烈按一統志葛中選河西人萬歷中知嘉魚縣民懷其德立祠祀

之笑曰小小孩子敢與秀才對考卽命題學而第一爲政第二八脩第三先生立就破承云政舉而分定皆學者事也夫學以爲政則八脩不敢舉矣故因而第之葛公大奇之謂愛山公曰爾有此子何爭此錙銖爲卽責牙人立償且贈先生以堂額曰間出真英

三十九年辛亥先生十四歲入籍楚之嘉魚

四十年壬子先生十五歲在嘉魚

四十一年癸丑先生十六歲在嘉魚

四十二年甲寅先生十七歲在嘉魚

四十三年乙卯先生十八歲在嘉魚科試見知於文

宗馬人龍先生

四十四年丙辰先生十九歲在休甯讀書歙之臨塘
寺寺山初不產芝是年忽生數百本人咸異之
蕭山來清之先生館歙吳氏有具眼同輩會藝山

寺來閱先生文極加擊節謂新安山水之秀間鍾一人若不騰空去者吾當剋其雙目其推許如此

七月娶鮑氏孺人鮑本素封然性溫恭善事舅

姑惟公言是聽廟見甫月餘河南葛屺瞻先生寅

亮泣楚督學

烈按熊魚山所撰先生傳葛寅亮湖南人此作河南考一統志寅亮浙

之錢塘人先生文集與葛書亦云新安去錢塘不及五百里近老師之居若此其甚則謂爲湖南河

南人者先生得報卽行旣至出歸休所爲文示龍

公龍公搖手曰今而後子當評隲予予不能相子矣蓋公受業時有師在心手未相忘旣出殼稱性

飛若江河之決宜日刼倍也

刼倍二字疑誤烈按熊魚山所撰先生傳

有云既出穀怒而飛沛若江河之決也無宜日刼倍語

四十五年丁巳先生二十歲在嘉魚葛屺瞻先生涖郡歲試舉先生第一食餼葛公語人曰嘉有士若此科名安足道耶

四十六年戊午先生二十一歲在嘉魚聞遼警先生慨然曰經邦戡亂匪異人任王文成本貴胄生承平時猶懷沙練步我何人敢耽軟緩輒爲文告關侯廟曰不欲爲匹夫之勇尤恥爲婦人之仁於是

延武人講武相與握拳磨斗粟中求礪凡行間所
應用弓馬及孫吳兵法無一不習嘗云國家每談
謀略而不究實用故至壞事大將軍不身先士卒
何以克敵

四十七年己未先生二十二歲在休甯九月與同人

盟於齊雲山

烈按一統志齊雲山在休甯縣西四十餘里

立帝前凡十

四人其最厚者程希呂均望程開祚仲延

烈按程開祚太

學生閻憲副程朝京之孫
先生文集載有程墓志銘

四十八年即光宗泰昌元年庚申先生二十三歲在

嘉魚八月長子敦涵生 是年遊武林謁葛屺瞻

先生讀書西湖上以舟爲宅

烈按嘉魚縣志及熊魚山所撰先生傳武

林俱作武陵屺瞻先生既爲浙之錢塘人是武林指錢塘志傳作武陵者誤

熹宗天啓元年辛酉先生二十四歲在嘉魚錄科第

一先生喜管子周文宗評其卷云文性似管先生

序鄭超宗文橐

烈按鄭超宗與先生同舉於鄉見文橐序內

有曰予文

不逮人而負其耿耿倔强自遂不避譏笑不畏贈

蹬抑落此實區區所長自乙卯丙辰始能成文鄉

里相視爲笑柄固不屑意乃至辛酉得落卷視之

則見卷首大書一毫不通觀場則甚八字卷中橫
拖直抹其意恨不欲殺割者予初未動念也 祖
望山公卒

二年壬戌先生二十五歲在嘉魚語人曰予一日作
文忽胸中廓然六通四闢天之上地之下任我所
之無足藩籬也

三年癸亥先生二十六歲在嘉魚始謁張湘渚先生
初張夜夢一白鶴飛翔庭次是日先生素服謁之
張大異遂與談性命之理初先生於聖經多疑旨

及謁張後一日靜坐覺聖賢之言無不融徹條貫
矣以冊后恩貢於鄉同舉皆楚名宿竟陵譚友

夏尤著大集黃鶴樓人爭詣譚公

烈按明史列傳譚元春字友夏

名輩後于惺以詩歸故與齊名天啓六年始舉鄉試第一惺已前卒矣惺鍾惺也亦竟陵人

先

生靜坐自若譚深重之因締交焉曰吾師也豈敢
友哉讀書北雍與先生同寢處故序先生文彙言
之獨詳其別先生詩曰事事非今世若其吹朔風
又曰反如登第者未免獨孤身相得情至無減古
人還嘉魚謁邑令尹故事得以肩輿往公不受